



BOSNA I HERCEGOVINA  
PARLAMENTARNA SKUPŠTINA  
ZASTUPNIČKI DOM

**Komisija za ostvarivanje ravnopravnosti spolova u BiH**

Broj: 01/8-50-1-144-9/04

Sarajevo, 24.11.2004.godine.

**Z A P I S N I K**

9. sjednice Komisije za ostvarivanje ravnopravnosti spolova u BiH, održane 17.11.2004. godine, s početkom u 10,00 sati.

Sjednici Komisije prisustvovali su:

- Jozo Križanović, predsjedatelj Komisije,
- Ljiljana Milićević, prvi zamjenik predsjedatelja Komisije,
- Nadžida Mlaćo, drugi zamjenik predsjedatelja Komisije,
- Abdulah Nakaš, član Komisije,
- Mubera Ušanović, član Komisije,
- dr. Jelina Đurković, član Komisije,
- Ivo Lozančić, član Komisije.

Odsustvovali su: prof. dr Azra Hadžiahmetović, i prof. dr Nijaz Duraković, članovi Komisije.

Za sjednicu je usvojen slijedeći:

**Dnevni red:**

1. Usvajanje zapisnika 8 sjednice Komisije,
2. Prijedlog Rezolucije zastupnika Milorada Živkovića o prihvatanju obaveza Ottawskog dokumenta s programom djelovanja međunarodne konferencije o populaciji i razvoju (ICPD) iz 2002. godine.
3. Zakonodavna inicijativa - promjena članka 36. Zakona o radu u institucijama Bosne i Hercegovine («Službeni glasnik BiH», broj 26/04),
4. Praćenje usklađenosti prijedloga zakona s Zakonom o ravnopravnosti spolova u Bosni i Hercegovini («Službeni glasnik BiH», broj 16/03)
5. Realizacija zacrtanih aktivnosti i plan aktivnosti Komisije do kraja 2004. godine.
6. Tekuća pitanja

Ad. – 1. Usvajanje zapisnika 8 sjednice Komisije

Nakon pozdravnih riječi i otvaranja sjednice Komisije, predsjedatelj Komisije Jozo Križanović, predložio je raspravu i usvajanje zapisnika s 8. sjednice Komisije.

Nije bilo diskusije o ovoj točki dnevnog reda.

**Kako nije bilo diskusije o ovoj točki dnevnog reda, predsjedatelj Komisije predložio je usvajanje zapisnika, pa je Komisija jednoglasno usvojila zapisnik 8. sjednice Komisije.**

**Ad – 2. Prijedlog Rezolucije zastupnika Milorada Živkovića o prihvatanju obaveza Ottawskog dokumenta s programom djelovanja međunarodne konferencije o populaciji i razvoju (ICPD) iz 2002. godine.**

U uvodu za ovu točku dnevnog reda predsjedatelj Komisije je podsjetio prisutne o proceduri kroz koju je prošao ovaj akt u našoj Parlamentarnoj skupštini. Predsjedatelj Komisije je istakao da je zastupnik Predstavničkog doma Parlamentarne skupštine BiH g. Milorad Živković 12. listopada 2004. godine dostavio Zastupničkom domu Parlamentarne skupštine BiH Rezoluciju o prihvatanju obaveza Ottawskog dokumenta s programom djelovanja međunarodne konferencije o populaciji i razvoju (ICPD) iz 2002. godine (u daljnjem tekstu: Rezolucija).

Zastupnički dom PS BiH je na 46. sjednici održanoj 4. studenog 2004. godine zaključio da se Rezolucija prethodno razmotri u mjerodavnoj komisiji, a mjerodavnu za razmatranje prijedloga odredio je Komisiju za ostvarivanje ravnopravnosti spolova. Zato Komisija za ostvarivanje ravnopravnosti spolova razmatra Rezoluciju na ovoj sjednici. Na sjednicu je pozvan i predlagatelj Rezolucije, koji je obavijestio Komisiju da nije u mogućnosti prisustvovati sjednici te je predložio da g. Ivo Lozančić ispred njega i ispred Parlamentarne skupine za populaciju i razvoj obrazloži potrebu donošenja ove Rezolucije. Nakon toga, predsjedatelj Komisije je predložio diskusiju o Rezoluciji.

G. Ivo Lozančić je, osvrćući se na predlagatelja i na Parlamentarnu skupinu za populaciju i razvoj, obrazložio potrebu donošenja ove Rezolucije i pojasnio njenu poruku, kao i potrebu akcije iz ove oblasti u Bosni i Hercegovini.

U raspravi o ovoj temi učestvovali su i drugi prisutni članovi i to: Nadžida Mlačo, Jelina Đurković, Mubera Ušanović i drugi.

**Nakon rasprave o tekstu Rezolucije, članovi Komisije su jednoglasno podržali ciljeve apostrofirane u Rezoluciji, te prihvatili tekst Rezolucije i predložili Zastupničkom domu Parlamentarne skupštine BiH da istu usvoji.**

**Komisija je za izvjestitelja u ovom predmetu pred Zastupničkim domom odredila predsjedatelja Komisije g. Jozu Križanovića**

**Ad – 3. Zakonodavna inicijativa - promjena člana 36. Zakona o radu u institucijama Bosne i Hercegovine («Službeni glasnik BiH», broj 26/04),**

U uvodu za ovu točku dnevnog reda predsjedatelj Komisije je podsjetio prisutne o tome da su Komisija za financijske i administrativne poslove Doma naroda PS BiH i Administrativna komisije Zastupničkog doma PS BiH podnijele u parlamentarnu proceduru Prijedlog zakona o dopuni Zakona o radu u institucijama Bosne i Hercegovine. Rukovođeni nastojanjem za postizanje bolje zaštite materinstva i njenim izjednačavanjem s pogodnostima koje nude odgovarajući entitetski zakoni i mi smo ovaj tekst Prijedloga zakona stavili na dnevni red Komisije. Predložio je raspravu o ovom pitanju.

**Nakon sveobuhvatne rasprave, Komisija je jednoglasno donijela slijedeće zaključke:**

- 1. Komisija podržava predviđenu izmjenu članka 36. Zakona (članak 1. Prijedloga zakona), kojom se porodijsko odsustvo produžava s šest na dvanaest mjeseci.**
- 2. Podržava se i izmjena i članka 50 Zakona (članak 2. Prijedloga zakona), s tim što Komisija smatra da bi Zaključkom doma trebalo obavezati Vijeće ministara Bosne i Hercegovine da definiira što se podrazumijeva pod «teškom invalidnosti» i «teškom bolesti».**
- 3. Ukoliko bi se ocijenilo da ove definicije trebaju biti sadržane u Zakonu, Komisija smatra da bi pomenuti Prijedlog bilo dobro razmotriti sukladno članku 104. Poslovnika Zastupničkog doma Parlamentarne skupštine BiH.**

**Ad – 4: Praćenje usklađenosti prijedloga zakona s Zakonom o ravnopravnosti spolova u Bosni i Hercegovini («Službeni glasnik BiH», broj 16/03)**

U uvodu za ovu točku dnevnog reda, predsjedatelj Komisije je istakao činjenice da se često u parlamentarnu proceduru upućuju prijedlozi zakona i drugih akata koji svojim odredbama mogu utjecati na ostvarivanje ravnopravnosti spolova, a da se ne razmatraju pred ovom Komisijom. Kao primjer, predsjedatelj Komisije je naveo tekst Zakona o radu u institucijama Bosne i Hercegovine u kojem se nalaze ove odredbe, a čiji tekst nije bio razmatran pred Komisijom. Predložio je raspravu o ovoj problematici.

**Nakon kraće rasprave o ovoj problematici, Komisija je donijela zaključak:**

**Preporučuje se Kolegiju Zastupničkog doma Parlamentarne skupštine BiH da prilikom određivanja nadležne komisije za razmatranje prijedloga zakona ili drugog akta koji se nalazi u parlamentarnoj proceduri, sve prijedloge akata u kojim se nalaze norme koje mogu utjecati na ostvarenje ravnopravnosti spolova, uputi Komisiji za ostvarivanje ravnopravnosti spolova, radi provjere usklađenosti njihovih normi s Zakonom o ravnopravnosti spolova u Bosni i Hercegovini.**

**Ad. – 5. Realizacija zacrtanih aktivnosti i plan aktivnosti Komisije do kraja 2004. godine.**

Za uvod u ovu točku dnevnog reda, tajnik Komisije je posjetio članove na obaveze koje proizilaze iz Operativnog plana za 2004. godinu. On je podsjetio na potrebu realizacije dvije osnovne obaveze: obilasci kazneno popravnih ustanova (KPU) u kojima kazne zatvora izdržavaju i žene, kao i uspostavljanje odnosa suradnje s komisijama i odborima za ostvarenje zaštite ravnopravnosti spolova kod zakonodavnih organa susjednih država.

Predsjedavajući Komisije je informirao prisutne o donošenju novog Poslovnika o radu Zastupničkog doma, kao i o činjenici da će novim Poslovníkom nastati i nova Zajednička komisija oba doma, koja će razmatrati problematiku ljudskih prava, etike, kao i ravnopravnosti spolova.

**Nakon kraće diskusije o ovoj problematici zaključeno je da u suradnji s tajnikom Komisije, zakaže se obilazak KPU do kraja ovog mjeseca. Odlučeno je da prva skupina u sastavu: Jozo Križanović, Ljiljana Milićević, Nakaš Abdulah, Mubera Ušanović, prof. dr. Nijaz Duraković, prof. dr. Azra Hadžiahmetović i tajnik dr. Zijad Hasić obiđu KPU «Kula» Lukavica, a druga skupina u sastavu: Ivo Lozančić, Jelina Đurković, Nadžida**

**Mlaćo i tajnik dr. Zijad Hasić obišu KPU Tuzla. Termine će odrediti tajnik Komisije, uvažavajući mogućnosti članova komisije.**

**Što se tiče kontakata s komisijama i odborima iz susjednih država, zaključeno je da se nastave aktivnosti uspostavljanja kontakata i da se po mogućnosti realizira odlazak ili prijem delegacija iz susjednih država, a to ostvari u toku prosinca 2004. godine.**

**Ad. – 6. Tekuća pitanja**

Nije bilo diskusija po ovoj tački dnevnog reda.

Završavajući ovu točku dnevnog reda, Komisija je završila svoju 8. sjednicu.

Sjednica je završena u 11,20 sati.

Sastavni dio Zapisnika je transkript 9. sjednice Komisije.

**TAJNIK KOMISIJE**

dr Zijad Hasić

**PREDSJEDATELJ KOMISIJE**

Jozo Križanović